

*Statthalter und Räte der Raitkammer zu Innsbruck unterrichten die Hofkammer, dass sie **Ulrich von Ramschwag** die erbetene finanzielle Unterstützung nicht gewähren können.*

*Abschr.: TLA, Kopialbücher Jüngere Reihe 5, Oberösterreichische Kammer (1496-1796), Missiven, fol. 23r-v. – Pap./Registereintrag.
Regest: LUB II digital (cg); LLA, Regestensammlung betr. Gutenberg, TLA, Bd. 2a, S. 119.*

Links vom Text: Vlrich von Ramswag¹

[fol. 23r] ^{a)}Auch ist vnns von herrn Vlrichen von Rambswag l ein schreiben zukomen, so wir eũch zu uernemen, l seins begerns hierinn zusennden. Vnd dieweil l im aus ob angezaigten vrsachen von der camer l [fol. 23v] hie nit geholffen mag werden. So biten wir, in be- l uelhen zu haben, damit durch ew auf solh antzaigt l notdurfft etwas geraicht vnnd hilff beschehe vnd l hierinn nicht gelassen werde. Vnd als derselb l ^{b)}von Ramswag ain buxenmaister anzaigt, der dann ain l besondern sold zu haben begert. Vnnd wiewol er l desselben notdũrfftig ist, so haben wir doch on beũelh l nicht zit mit ime zu hanndlen. Wo aber kunigliche mayestat oder l eũch das gefallen will, vnnd vnnd des beũelh l wie sich zu fertigen gepũrt desshalben zugeschickht l wirdet. So wellen wir demselben vnuerzogennlich nach- l komen, und solhs der nottũrfft noch gefũrdert l sein wil, darinn nicht verziehn. Datum Ynsprũgg² l an eritag nach sannd Jorgen tag anno XV^c. l

Stathallter vnnd rete der raytcamer l souil der yetz zu Ynsprugg sein. l

^{a)} *Initiale „A“: xx cm. – ^{b)}Links vom Text: Rambswag puxmaister.*

¹ *Ulrich v. Ramschwag, 1435-†1518, seit 1470 Vogt auf Gutenberg. – ² Innsbruck, Stadt, Tirol (A).*